

Божхона органлари фаолиятининг 9 ойлик якунларига бўйича маълумот

Мамлакатимизнинг иқтисодий хавфсизлигини таъминлаш борасида 10 мингдан ортиқ тадбиркорларга 38 трлн сўм божхона тўловларидан имтиёз ва преференциялар қўлланилди, 5 трлн сўм божхона тўловларини кечиктириб тўлашга рухсат берилди;

давлат бюджетига 45 трлн сўм божхона тўловлари ўтказилиб, тушумларни 12 фоизга ёки 4 трлн 648 млрд сўмга оширишга эришилди.

Хавфларни бошқариш ва яширин иқтисодиётга қарши курашиш борасида:

– 757 млрд сўмлик товарларнинг ноқонуний ҳаракатига чек қўйилди.

Масалан, чегарада импорт товарлари устидан божхона кўрикларини кучайтириш натижасида 356 млрд сўмлик ноқонуний товарлар далилий ашё сифатида олинди;

– шунингдек, 23 млрд сўм эквивалентидаги валюта қимматликлари, 47 млрд сўмлик заргарлик буюмлари аниқланди.

Аҳолимизнинг соғлиги ва хавфсизлигини таъминлаш борасида:

– 888 кг гиёҳвандлик воситалари, 406 минг дона психотроп ва кучли таъсир этувчи моддалар, 3 905 та тақиқланган материаллар, 59 млрд сўмлик тамаки маҳсулоти;

– 34 та қурол, 1 187 та ўқ-дорилар ушлаб қолинди.

Бундан ташқари, халқаро ҳамкорликни мустаҳкамлаш йўналишида илғор хорижий тажрибаларни ўрганиш орқали божхона тартиботларини такомиллаштиришга, ходимларнинг малакасини оширишга ҳам алоҳида эътибор қаратилди.

Бу борада:

– видеоконференцалоқа шаклида ўтказилган 181 та халқаро тадбирларда иштирок этган 559 нафар ходимлар томонидан амалдаги божхона қонунчилигини такомиллаштиришга қаратилган таклифлар ишлаб чиқилди;

– 196 нафар ходимлар томонидан 19 та давлатнинг (*Корея, Хитой, Камбоджа, Грузия, Қатар, Россия, Қирғизистон, Тожикистон, Бельгия, БАА, Австрия, Туркменистон, Швейцария, Япония, Италия, Тайланд, Белгия, Латвия, Литва*) тажрибаси ўрганилди.

Шу билан бирга, божхона органларининг моддий-техник базасини янада ривожлантириш мақсадида, 3 млн доллардан ортиқ грантлар жалб қилиниб, бир қатор божхона объектлари назорат-техник воситалари ва бошқа зарур буюмлар билан жиҳозланди.

Жорий йилнинг 9 ойи бўйича статистик маълумотлар:

– товарлар ташқи савдоси (махсус экспортдан ташқари) 34 млрд долларни (34,3 млрд долл.) ташкил этди.

Бунда, экспорт 8 млрд долларни импорт 26 млрд долларни ташкил қилиб, 754 минг та юк декларациялари расмийлаштирилди;

– чегара постлари орқали 1 млн та юкли автотранспортлар, 520 мингта юкли вагонлар, 34 млн тага яқин йўловчилар ҳаракатланди.

Соҳани рақамлаштириш ҳисобига экспорт товарларининг 92 фоизи, импорт товарларининг 74 фоизи соддалаштирилган тартибда расмийлаштирилди.

Бунда, декларацияларни инсон омилисиз расмийлаштириш ҳажми 15 фоизга етказилиб, бу кўрсаткич экспорт товарларига оид декларациялар бўйича 41 фоизни ташкил қилди.

Ташқи савдо товарларини соддалаштирилган тартибда расмийлаштириш орқали 6 613 нафар экспортёр ва 26 710 нафар импортёрларнинг ортиқча сарф-харажати ва вақти тежалишига эришилди.

Ўтган 9 ойда 474 та лойиҳалар ижросида 5 млрд 559 млн долларлик инвестициялар ўзлаштирилиб, ушбу давр учун белгиланган режа 103 фоизга бажарилди (режа 5 377 млн \$).

Жумладан, тўғридан-тўғри хорижий инвестициялар иштиро-кидаги лойиҳалар бўйича 4 млрд 655 млн долларлик (режа 4 475 млн \$, 104 %), халқаро молия институтлари маблағлари иштирокидаги лойиҳалар бўйича 904 млн долларлик (режа 902 млн \$, 100 %) инвестициялар ўзлаштирилди.

Республикада озиқ-овқат маҳсулотлари ишлаб чиқаришни кўпайтириш йўналишида берилган топшириқларга мувофиқ:

– импорт ҳажми юқори бўлган 25 турдаги озиқ-овқат маҳсулотларини (шоколад, мармелад, кугабоқар ёғи, маргарин, , сариёғ, пишлоқ, қурилган сут ва бошқалар) ишлаб чиқариш имконияти ўрганилиб, 14 та ҳудудда 1,5 трлн сўмлик 83 та лойиҳа ишга туширилди;

– маҳаллий корхоналарнинг озиқ-овқат маҳсулотларини ишлаб чиқаришга оид 238 та лойиҳалари бўйича 14 та ҳудудда 2,2 трлн сўмлик 197 та лойиҳа (83 %) ишга туширилди.

Ишга туширилган ушбу 3,7 трлн сўмлик 280 та лойиҳалар бўйича 5 946 та янги иш ўринлари яратилиб, бугунги кунда қандолат маҳсулотлари, ун, гўшт, тухум, ўсимлик ёғи, сут маҳсулотлари, салқин ичимликлар, туз ва помидор пастаси ишлаб чиқарилмоқда, шунингдек, мева-сабзавотлар қайта ишланмоқда.

Бундан ташқари, ҳудудларда маҳсулотларни қадоқлаш буюмларини (упаковка) ишлаб чиқариш бўйича замонавий корхоналарни ташкил этиш юзасидан берилган топшириқ асосида 599 млрд сўмлик 16 та лойиҳалар шакллантирилди.

Шундан, ўтган 9 ойда 507 млрд сўмлик 11 та лойиҳалар ишга туширилиб, 372 та янги иш ўринлари яратилди.

Ҳозирда яна 107 та лойиҳалар бўйича озиқ-овқат маҳсулотлари ва қадоқлаш буюмлари ишлаб чиқаришни йўлга қўйиш тадбирлари давом эттирилмоқда.

Мазкур йўналишларда маҳаллий корхоналарга кўрсатаётган амалий ёрдам туфайли 6 минг 300 дан ортиқ фуқароларнинг иш билан таъминланди.

Импорт қилинган технонологик ускуналарнинг ишлатилиши билан боғлиқ ҳолатлар мониторинг қилиниши натижасида 130 нафар тадбиркор номига олиб келинган 302 млн долларлик ускуналар ишга туширилди.